



04

SIRI

Kelebihan Berdagang Niaga Hadapan

Bolehlah dikatakan bahawa perdagangan niaga hadapan mempunyai banyak kelebihan. Salah satunya, ia merupakan suatu kelas aset alternatif. Pelabur tidak perlu buntu dengan analisis saham individu dalam pasaran ekuiti kerana sesuatu saham biasanya didagangkan dalam indeks saham yang meluas. Melalui dagangan niaga hadapan, pelabur boleh mendapat keuntungan daripada komoditi yang dari sudut sejarahnya tidak berkaitan dengan ekuiti. Yang lebih penting lagi, dengan kelas aset alternatif ini, pelabur boleh mempelbagaikan portfolio dan menyelaraskan selera risiko mereka.

Antara kelebihan lain perdagangan niaga

KELAS ASET ALTERNATIF



ASET LAIN



KUPAYAAN UNTUK DIDAGANGKAN SEPANJANG MUSIM



hadapan ialah keupayaannya untuk didagangkan sepanjang musim. Tidak seperti pasaran saham, pasaran niaga hadapan boleh didagangkan semasa pasaran menaik (bull), juga ketika pasaran menurun (bear). Dengan keupayaan perdagangan sepanjang musim, pelabur boleh memaksimumkan pulangan mereka. Sebagai contoh, pedagang boleh menjual pasaran dalam Niaga Hadapan terlebih dahulu sebelum membelynanya semula ketika ingin menutup posisi dagangan. Di Malaysia, penjualan singkat (short sell) di pasaran ekuiti dihadkan lalu ia menjadikan pasaran saham berkeuntungan sehalus. Bermakna pelabur hanya boleh mendapat untung sekiranya pasaran menaik tidak seperti pasaran niaga hadapan.

DIBENARKAN UNTUK JUAL SINGKAT PASARAN



MEMAKSIMAKAN KEUNTUNGAN



MEMINIMAKAN RISIKO

Salah satu kelebihan yang nyata dalam perdagangan Niaga Hadapan ialah keupayaannya untuk leveraj. Leveraj membolehkan seseorang individu mengawal aset yang nilainya lebih besar berbanding dengan nilai permulaan pelaburan. Apabila berdagang niaga hadapan, anda dikehendaki untuk meletakkan margin awal dan mengekalkannya pada tahap tertentu yang telah ditetapkan.

Dengan kata mudah, margin ialah sejumlah wang yang anda harus letakkan untuk memegang suatu kontrak niaga hadapan. Sebagai contoh, sekiranya seorang pelabur mendeposit RM700 ke dalam akaun margin beliau untuk membeli satu kontrak niaga hadapan emas Bursa Malaysia Derivatives, beliau kini mengawal 100gm emas yang mempunyai nilai penuh RM16,000 (emas pada harga RM160 x 100gm) dengan margin awal hanya RM700 sahaja.

Leveraj sebagaimana yang ditunjukkan dalam contoh di atas, membolehkan seseorang individu menggunakan sejumlah kecil modal (RM700) untuk mengawal satu jumlah aset yang besar (RM16,000).

LEBIH MENJIMATKAN MASA DARIPADA SAHAM INDIVIDU




Satu lagi kelebihan dagangan niaga hadapan ialah rendahnya kos transaksi. Kebiasaanya, kadar komisen kontrak Niaga Hadapan adalah lebih rendah daripada nilai setara contohnya ekuiti. Kini dengan kehadiran dagangan secara dalam talian, kadar komisen menjadi lebih rendah. RHB Investment Bank mempunyai satu platform dagangan dalam talian yang membolehkan pelanggan untuk melaksanakan tempahan dengan sendiri. Tiada yuran keahlian atau caj persediaan diperlukan untuk memulakan akaun dalam talian dengan platform dagangan Niaga Hadapan RHB Investment Bank Berhad.

Walau bagaimana pun, dalam pasaran niaga hadapan, pelabur dibenarkan untuk menjual singkat (short sell) pasaran dengan itu menjadikan dagangan niaga hadapan berpotensi lebih fleksibel. Paling utama, dagangan niaga hadapan boleh membantu untuk melindungi portfolio anda dan mengurangkan ketaktentuan harga tertentu yang mungkin bergerak melawan keinginan anda. Semasa tempoh ketidaktentuan pasaran, dagangan niaga hadapan boleh digunakan untuk mengurangkan risiko kepada pelabur yang berselera risiko rendah.

Dagangan niaga hadapan juga boleh menyediakan pelabur yang berselera risiko tinggi satu kelebihan tambahan. Dalam ketaktentuan pasaran, pelabur yang gemar menghadapi risiko (spekulator) boleh memaksimumkan keuntungan mereka hasil daripada kenaikan dan penurunan pasaran dengan kos dagangan yang minimum.

KEUPAYAAN UNTUK MENGUMPIL



Berdagang Niaga Hadapan mampu untuk menjimatkan masa jika dibandingkan daripada saham-saham individu. Mengambil kira apabila seseorang individu dibenarkan bertaruh atas sesuatu indeks niaga hadapan, ini adalah kelebihan kepada kebanyakan pelabur kerana mereka tidak perlu bersusah payah memilih saham atau menganalisis saham.

Pelabur tidak perlu membaca laporan kewangan yang panjang, atau cuba mengenal pasti nisbah P/E syarikat. Berdagang Niaga Hadapan membolehkan anda berdagang atas keseluruhan indeks dan dengan itu menghapuskan kerumitan dalam memilih saham yang "murah" dan "baik" untuk dibeli.

KOS TRANSAKSI RENDAH

